

اسم الله الديان | #كلمات_التراويح | د. حازم شومان

حازم شومان

ورحمة الله وبركاته السلام عليكم الحمد لله وكفى وصلاة وسلاما على عباده الذين اصطفى. اما بعد فيعني اخواني واحبابي في الله واخواتنا في الله اه نتكلم في دقائق مع اسم من اسماء الله الحسنى او مش هنقول اسم. لان فيه علماء لم يعدوه اسم ولكن الكل متفق على انه صفة من صفات الله سبحانه وتعالى - [00:00:00](#)

صفة من صفات الملك العظيم واسماء الله وصفاته يا اخواني اسماء كونية يعني ايه؟ يعني لما تسمع كل اسم من اسماء الله اعرف ان الاسم ده بيتحكم في الكون كله يعني بدون اسم القيوم الكون كله ينهار. كل الكون ينهار. ما فيش زرة ولا مجر - [00:00:25](#) قائمة الا بالقيوم. ولا حياة انسان ولا مصلحة. لما تسمع اسم المهيمن يقول لك الطيران الامريكي مهيمن على سماء العراق الله مهيمن على كل حركة وساكنة في الكون. فاسم الله المهيمن هيمنة الله على مقدرات امور الكون. يقول لك - [00:00:45](#) مقدرات امور الدول في ايد كذا. يألفوا كتاب عن اليهود احجار على رقعة الشطرنج. ان اليهود بيحركوا العالم وببسيطروا عليه. كل ده وهم الله هو المهيمن لما تسمع اسم الله المقيت المقيت اللي بيوصل القوات انت جسمك فيه الف مليار خلية ما فيش خلية ما بيوصلهاش قوتها - [00:01:05](#)

ما فيش دولة في العالم الف مليار بني ادم والبنية الاساسية بتاعة كل البشر كاملة. مصر يعني ممكن نص البلد البنية الاساسية فيها مشاكل كبيرة. اسم الله المقيت اللي بيوصل الاقوات لكل زرة في الكون. انتم عارفين القوات يعني ايه يا جماعة؟ البترول ده قوت - [00:01:25](#)

اللي حرب الخليج من اهم اسبابها البترول. الاكسجين داقوت اللي من ايام ما الانسان كانوا ادم وحواء على الارض كانت واحد وعشرين في المية الاكسجين الوقتي سبعة مليار بني ادم برضه واحد وعشرين في المية. المقيت يقول لك ان حروب المستقبل كلها على الماية. ليه؟ المية قوت - [00:01:45](#)

يعني اسم الله المقيت يقول لك حروب المستقبل كلها على الاقوات بتاعة الناس. فكل اسم من اسماء الله الشافي صفة من صفات الله كثير من العلماء قال اسم من اسماء الله. الامراض المستعصية لا حصر لها. الامراض اللي الطب مش عارف سببها لا حصر لها. كل اسم من اسماء الله - [00:02:05](#)

يتحكم في الكون كله. عشان كده اللي يعرف اسماء الله هيفسر كل حاجة بتحصل في الدنيا. النهاردة نتكلم عن يعني معنى صفة من صفات الله. وهي صفة الديان. الديان. انتم عارفين يا جماعة لو كل - [00:02:25](#)

دكتور عرف الديان ما فيش دكتور هيوخون مريض. لو كل تاجر عرف الديان لو كل بني ادم عرف الديان عمر ما انسان هيقدر الا انه يتعامل بالامانة. ازاى؟ الديان البر لا يبلى. الحسنة الواحدة ممكن تعملها تنقذك - [00:02:45](#)

من كل مشاكل الدنيا والخرة. مش زي السوب. لما يتلبس كذا مرة يبلى. والذنب لا ينسى. اللي مش معنى ان زنب من ثلاثين سنة اتنسى ما عدش حد فاكر لا ده كلام خاطئ. واحد خبط واحد ابن واحد بسيارة مات بعد عشرين سنة طلع - [00:03:05](#)

هيجري وهرب بعد عشرين سنة عربية خبطت ابنه مات. الديان. الديان لا يموت. اعمل ما شئت كما تدين تدان البر لا يبلى والذنب لا ينسى مش معنى ان الزنب اتنسى انه راح ابدًا. ممكن العقوبة تنزل بعد ثلاثين سنة. والذنب لا ينسى - [00:03:25](#)

لا يموت. يعني ايه الدائن لا يموت؟ يعني ايه ربنا ما متش؟ لما تشوف بشار واللي بيعمله في سوريا هو ربنا ربنا سبحانه وتعالى مش هيرد هذا الظلم يقول لك الديان لا يموت. اوعى تفتكر ان الديان مش هينتقم منه. دنيا واخرة. اوعى تفتكر ان الملك سبحانه وتعالى

يموت. اعمل ما شئت - 00:03:45

كما تدين تدان. يعني ايه كما تدين تدان؟ الكلمة الخطيرة بقى يعني زي ما هتعامل الناس ربنا هيعاملك وزي ما هتعامل ربنا ربنا هيعاملك. يعني ايه زي ما هتعامل الناس ربنا هيعاملك؟ زي ما هتعامل اهل الناس ربنا هيخلي الناس - 00:04:05

تعامل اهل الواحد. ممكن واحد دكتور مسلا في مستشفى وييجي اب ولا ام غلبان يهمله ويبهله وما يهتمش به. في يوم من الايام والدك او هيحصل لهم نفس الموقف دهو. زي ما هتعامل ولاد الناس ربنا هيعامل ولادك. الم تسمعو قول الله سبحانه وتعالى وليخشى الذين لو تركوا - 00:04:25

ومن خلفهم ذرية ضعافا خافوا عليهم. اوعى تزلم ولاد الناس. استاز جامعة ويزلم حد عشان يعين آا ابن واحد صاحبي ولا حاجة. اوعى تزلم ولاد الناس عشان هيقف لولادك. زي ما هتعامل بنات الناس ربنا يعامل بناتك. الراجل اللي جاي للنبي عليه الصلاة والسلام بيقول له يا - 00:04:45

رسول الله ائذن لي في الزنا. هو مش قادر ومش متخيل انه هيقدر يتخلص منه. ان هذه الشهوة فيقول له اذن لي والا انا مش داخل الجنة. ائذن لي النبي - 00:05:05

قال له ايه؟ اترضاه لامك؟ اترضاه النبي خوفه بالديان. خوفه ان ده هيقف للنساء اللي لا يحتمل ان هو يصاب فيهم. الشاب اللي بيمشي مع بنت. الرسالة الصغيرة قوي اللي بتوصل له ان مراتك بتاعة المستقبل اللي ممكن تتجوزها بعد عشر سنين واقفة نفس الوقفة دي مع شاب - 00:05:15

وبيقول لها نفس الكلام اللي انت بتقوله ده ايه. وممكن ماسك ايدها نفس المسكة الديان. ما انتاش عايز تؤزى في زوجة المستقبل ما تأذيش الناس في بناتهم. الشاب اللي في مكاملة مع بنت او على الشاب مراتك بتاعة المستقبل قاعدة نفس القعدة دي دلوقتي. مع شاب ثاني نفس الكلام - 00:05:35

الوقتي طب انا مش عايز زوجة المستقبل تبقى كده. ما تعملش كده في بنات الناس عشان الديان كما تدين تدان. زي ما هتعامل اللي محتاج يقول لك ربنا هيعاملك كان فيه يعني اخ وكانت اخته لم تتزوج وكبرت ولم تتزوج وعاشت معه هو وزوجته وازلها اشد - 00:05:55

اللي عيشها خدامة. ففي مرة من المرات قاعد هو وزوجته كده على الكنبه واخته قاعدة على الارض. فيعني في استمرار مسيرة الزل فقام ضاربها برجليه كده قال لها قومي هاتي لي كوباية ماية. في نفس الاسبوع عمل حادثة نفس الرجل اللي ضرب بها اخته اتقطعت فيها. الديان لا يموت كما تدين تدان - 00:06:15

زي ما هتعامل اللي طب لو كان العكس بقى هل جزاء الاحسان الا الاحسان؟ هل جزاء زي ما هتعامل والدك ووالدتك هيعاملوك اسم الديان يا اخوانا اللي يعرف اسم او صفة الله الديان اللي يعرف هذه الصفة زي ما بقول لكم الدكاترة هيبوسوا راس العيانيين - 00:06:35

ليه؟ لان زي ما بتعاملهم ربنا يعاملك. لو اكرمتهم ربنا هيكرمك. لو احسنت لهم ربنا يحسن اليك. المدرس انت لو وربيت ولاد الناس ربنا هيربي ولادك. محفزة القرآن انت لو علمت بنات الناس ربنا هيوقف لك داهو في بناتك - 00:06:55

عشان كده صفة الديان دي المجتمع لو عقلها هتغير سلوك الناس مع الناس. هترعب اي حد ان هو يظلم حد. اللي هتعمله في وقت والدك ووالدتك وولادك هيعملوه معك ومع الناس كلهم يا اخوانا واحد كان آا يعني راكب سيارة مع آا يعني احد الفضلاء يعني فيرجع - 00:07:15

بدير قام خابط العربية اللي وراه مطير الوش بتاعها. كاسر الفوانيس ومدشوش الوش بتاعها. فالراجل صاحب العربية نزل فبيص على عربيته كده فلقى العربيات في طشفشت من ورا. قال له رح يا عم الله يسامحك. مش عايز منك حاجة. فصاحب السيارة ركب فقعد يعيط. فاللي جنبه بيقول له انت بتعيط ليه؟ هو مش فاهم بيعيط ليه - 00:07:35

بتعيط يا سيدي ربنا نجاك من مبلغ كنت هتدفعه. قال له انا بابكي لان انا من سنتين واحد دخل في عربيتي دشدشها لي برضه زي

المنزرد ده نزلت بصيت عليها وقلت له رح الله يسامحك. مش عايز منك حاجة. فزي ما عاملت الخلق ربنا سبحانه وتعالى خلى الخلق -
[00:07:55](#)

لما ابن كان في الغيط مع ابوه ابوه راجل فلاح وابنه في الغيط مع ابوه وغضب مع ابوه لطش ابوه بالالم ولطش ابوه القلم الثاني
ابوها ببكي قال له اتنين بس يا ابني اتنين بس. الناس ملمومين مش فاهمين يعني ايه اتنين بس ؟ قال له من عشرين سنة ولا ثلاثين
سنة - [00:08:15](#)

انا لطشت ابويا قلمين بس. فانت اديتني اتنين خلاص. انا ما عملتش في ابويا اكثر من كده. الواحد بيرى ايات. يعني الواحد شاف
يعني في ايات تلاقي حد مسلا معين او واحدة معينة امها في الكبر تهملها وترميها. تكبر تلاقي ولادها رغم غناهم وسرقهم -
[00:08:35](#)

رهيب يرموها نفس الرمية. ممكن وبنفس التفاصيل اللي عملتها سبحانه الله العظيم. يعني كان في واحد راجل مش يعني ما هواش
صالح اوي يعني يعني مش لو دخلت المسجد تشوفه راجل انسان عادي اللي بيسموه انسان عادي. وولاده بعاد جدا عن الدين. مش
صالحين خالص. الراجل ده مرض - [00:08:55](#)

فالولاده خدموه خدمة كانت مضرب مسل الناس كلها. ففي واحد من المشغولين بمعرفة اللكنة. الراجل مستغرب الراجل ده اولاده مش
صالحين والراجل ده هو اصلا يعني يعني حياته ممكن تقول سطر وستر. اولاده بروه البر ده ازاى؟ قعد يفتش لحد ما عرف ان -
[00:09:15](#)

ده كان شديد البر بامه وابوه. قربنا وقفه له في اولاده. زي ما هتعامل الناس ربنا هيعاملك. يعني سبحانه الله! احيانا الواحد بيشوف
حاجات يا اخواني والناس كلها تقول لك ليه ؟ ما هو ربنا بيقول له الحمد في الاخرة بقى يوم القيامة هتعرف ليه ؟ يوم القيامة
هتعرف حاجات كتير اوي حكمتها كانت ايه ؟ انما ممكن - [00:09:35](#)

حاجات في الدنيا. فواحد بيقول يعني واحد جاي له وهو آآ مغيظ يعني شديد الغيظ يعني. او يعني متضايق. بيقول له يا اخي امبارح
كان في واحد بيضرب الثاني بالنار. الطلقة طاشت ما فيش حاجة اسمها طاشت اسم الله المهيم بقى. اسم الله - [00:09:55](#)
طيب ونعرفك ان الزناد اللي في ايد اليهودي دهوه ده اصلا تحت هيمنة الملك. ان شاء سلطوا علينا وان شاء سلطوا عليه وهو ردوا
عليه فقال له الطلقة طاشت راجل غلبان رايح يفتح المحل بتاعه. بيطلع راسه من المحل يشوف فيه ايه. الضربة جت في رقبته -

[00:10:15](#)

قطعت النخاع الشوكي والعياز بالله وهو نازل من من البتاع شلته شلل رباعي كامل. بيقول له قل لي ما حكمة ده ايه ؟ قل لي بقى ربنا
يبتلي واحد راجل غلبان وجاي يسترزق يبتلى الابتلاء ده ليه ؟ يعني بيقول يعني بيقول راوي القصة بيقول يوم الليلة - [00:10:35](#)
قبلها كان في مشكلة واحد واكل ورس يتامى وكان جلسة مع ذلك الرجل عشان يقنعوه انه يرجع مال اليتامى. وفشلت الجلسة وما
رضاش يرجع مال اليتامى. بعد فترة سيد ان الراجل اللي كل مال اليتامى دهو هو الراجل اللي اصابته الطلقة دهى. طب فين الجزاء
من جنس العمل بقى هو فقر اولاد - [00:10:55](#)

فأر هؤلاء اليتامى. سبب لهم الفقر. انتم عارفين الضربة اللي بتصيب العمود الفقري. وتصيب الإنسان بالشلل في اللغة اسمها يظن ان
تفعل به ايه ؟ فاقرة اللي هي الخبطة اللي تيجي في العمود الفقري تشيل الانسان شلل رباعي. فقرهم ربنا فقره - [00:11:22](#)
اولاد الناس ربنا فكره الجزاء من جنس العمل الديان لو فهمه كل انسان هيعرف هيعرف كويس جدا. يعني ايه ؟ هل جزاء الاحسان الا
الاحسان سوريا. واللي بيحصل في سوريا دلوقتي اين الديان من بشار؟ بشار مش هيتساب يا اخواننا. ولكن زي ما الديان مع بشار
والزلمة - [00:11:42](#)

الديان معنا احنا. لو خزلناهم ممكن ربنا يخزلنا. ولو نصرناهم ممكن ربنا ينصرنا. لحد دلوقتي موقف عمله ملك السعودية في
السبعينات سنة ثلاثة وسبعين لحد الوقتي بلده بتجني سمرة الموقف ده. لما تسمع ان برميل البترول بقى بمية وعشرين دولار اسعار -
[00:12:02](#)

الفلكية الغربية اللي هي البرميل البترول افكر الملك فيصل. لان السبب في التزايد او من اول ما بدأ التزايد كان من سنة ثلاثة لما ملك السعودية قرر منع البترول ودي ارزاق الناس هناك. كسنجر راح لوزير خارجية امريكا قال له انا الطيارة بتاعتي ما فيش فيها -
00:12:22

لتر وقود واحد. قال له وانا نفسي اصلي في المسجد الاقصى. تقدر تخليني اصلي في المسجد الاقصى؟ رئيس امريكا راح له لما الكسنجر فشل. استقبله في خيمة في الصحراء وقدم له تمر ولبن. قال له لو ضغطتم علينا نديكم البترول هنولع في ابار البترول. وهنرجع زي ابائنا واجدادنا نسكن في الخيم ونشرب -
00:12:42

لبن وناكل تمر. رئيس وزراء بلجيكا كان بيروح البرلمان بالعجلة. اتضغط عليه ضغط واتهدد واتفزع وصمم ان هو يقف على موقفه ويناصر الاسلام بمنع البترول نعمة استغلها لحد دلوقتي اسعار البترول من تلك الفترة وهي في تزايد عشان -
00:13:02
راجل وقف هذه الوقفة مع دين الله ومع اخوانه. فالديان الديان لا يموت يا اخواني في حتى مع الحيوانات. حتى مع ظلم الحيوانات. كان في واحد معدي من الميكروباص بتاعه او بالعربية بتاعته وكلب قاعد على الطريق اللي هي كلبهم باسط ذراعيه. القعدة بتاعة الكلب اللي هيمد رجليه لقدام ديت -
00:13:22

فهو عايز يبين للناس الحرفة بتاعته في السواقة. قام جاي على رجلين الكلب مكسر لها له عشان يقول للناس انا عرفت اجيب رجليه من غير في نفس الايام بيصلح العربية بتاعته الكاوتش بتاعه تسقط على ايديه حاجات وهو بيصلي على العربية -
00:13:42
توصل المستشفى ودي الاثنين فيها غرغرينا يتقطع ايديه الاثنين. والديان لا يموت اعلم ما شئت. حتى مع الحيوان. اللي وهو بيتوضى هينقز نملة ربنا مش هيسيبها له. اللي هيعمل معروف في ابسط حيوان في اي فما بالك بالانسان بقى. فما بالك بالانسان الديان -
00:14:02

لا يموت اخواني في الله البشر كثير منهم ما عندوش الكلام ده كان في واحد زمان في الاندلس اسمه ابن عباد كان ملك طائفة كده كانت الاندلس اتقطعت. محافظات كده وكل واحد عامل ملك في المحافظة بتاعته. فابن عباد -
00:14:22
ده كان مرة ماشي كده وبيتفصح في في القصر بتاعه في نبع كبير كده. فابن عباس فابن عباد ماشي فلقى المية بقى عاملة مع الريح عامل على الماية شكل جميل وتموجات. فقال بيت شعر يعني ايه نسج الريح على الماء زرد. يعني الريح نسجت -
00:14:38
على الماية ايه؟ شكل جميل اوي. فمش عارف يكمله فلقى جارية وراه قامت مكملة له البيت. مكملة له البيت بتاع الشعر فاعجب فخدوها واتجوزها واکرمها وعيشها ملكة وهي كانت جارية اما. مرة اشتهدت انها تعود لحياة الجواري وتمشي برجليها في الطين -
00:14:58

جاء لها جاب لها مسك وجاب لها مية ورد وخلطهم لها ببعض وخلاها تحط رجليهم فيها عشان قال لها هو ده الطين اللي يليق ان رجلك تتحط فيه. مرت الايام جه واحد اسمه يوسف ابن تاشفين قضى على كل ملوك الطوائف. وكل الفرقة وخدمهم كلهم رماهم في السجن. ابن -
00:15:18

عبادي افتقر واتزل واتبهدل ودارت به الايام وجاع ولاده. وعرى اولاده. فمراته اتقلبت عليه. ما فيش الاحسان بتاع زمان اتقلبت عليه. فمرة بتقول له ما رأيت منك خيرا قط قال لها ولا يوم الطين -
00:15:38
ولا يوم الطين لما كان نفسك تمشي برجليك في الطين وجبت لك المسك وماية الورد فسكتت واستحييت الانسان غالبا مش هيرد لك الاحسان الانسان غالبا مش هيفتكر لك الاحسان اصلا. بل اشد الناس اساءة لك هو ممكن يكون اكثر الناس انت احسان له. يبقى الحل انك تعامل الديان -
00:15:58

لان الديان هو اللي مش هيوقف لك اي عمل صالح. اخواني في الله كل صفة من صفات الله صفة عزيمة اسماء الله سبحانه وتعالى كلها اسماء عظيمة. وزى ما قلت لكم اسماء كونية بتحرك الكون كله. يعني اسم الله -
00:16:18
الديان ده لو قعدنا نتكلم سنة عن بس زي ما هتعامل الناس ربنا هيعاملك مش هتخلص. زي ما هتعامل ربنا ربنا هيعاملك ربنا بيقول واذا سألك عبادي عني فاني قريب اجيب دعوة الداع اذا دعاني. عايزين تعرفوا ربنا ارفعوا ايديكم وانتم تعرفوا ربنا. اللي عايز يوقن

بوجود الله يرفع - 00:16:34

أيده وهو يعرف ربنا. اللي عايز يعرف صفات الله يرفع أيده وهو يعرف ربنا بس استنى. فليستجيبوا لي. عايزين لكم استجيبوا لي. ما تبقاش مكسر اوامري في حياتك. وترفع ايديك وتقول ربنا ما استجابش لي ليه؟ ما انت ما استجبتش له. على - 00:16:54

قد ما تستجيب لربنا وسرعة الاستجابة لربنا على قد ما ربنا سبحانه وتعالى يستجيب لك. الموضوع كبير يا اخواني ولكن يعني ده معنى مهم جدا وخطير جدا واحنا بنتعامل مع الناس اللي زلم حد من الناس يعمل ايه بقى ؟ خلاص ضاعت ربنا هيعاقبنا هيعاقبني لا

يا اخوانا اللي ربنا اللي هيتوب الى الله - 00:17:14

ربنا بيدل له سيئاته حسنات وربنا هو اللي يعوض عنه ذلك المظلوم يوم القيامة. عشان كده في سيد الاستغفار اعوذ بك من شر ما صنعت يا رب ما تعاقبنيش بزنوبي. ما تدنيس في الدنيا بزنوبي. نسأل الله سبحانه وتعالى ان يعمر قلوبنا بمعرفته. اللهم - 00:17:34

احي قلوبنا بمعرفتك. اللهم اقم على ذكرك السنتنا. اللهم قوي في رضاك عزمنا. اللهم اقمنا على مرادك منا اللهم لا تجعل في قلوبنا الاك.

ولا تجعل همنا الا رضاك. ولا تجعل رغبتنا الا اليك. ولا تجعل توكلنا الا عليك. وانصرنا - 00:17:54

اذكر اخواننا في سوريا انك ولي ذلك والقادر عليه. سبحانه اللهم وبحمدك. اشهد ان لا اله الا انت. استغفرك واتوب اليك - 00:18:14